

Izjava OHR-a na konferenciji za medije međunarodnih organizacija u Mostaru

Treba se pozabaviti sistemskim slabostima

Glavna Haška tužiteljica Carla Del Ponte jučer je naglasila da “devet godina nakon Dejtona vlasti RS-a nisu uhapsile niti jednu osobu koju je optužio Haški Tribunal. Carla Del Ponte dalje kaže “to potvrđuje sistemske slabosti ugrađene u sigurnosne i strukture za provedbu zakona u BiH, a posebnu RS-a. Na njima treba poraditi tako da te strukture počnu pomagati a ne biti prepreka zemlji u saradnji sa Tribunalom. Ni po kojim razumnim standardima ne može se ustvrditi da su Ministarstva odbrane i unutrašnjih poslova RS pomogla u tom smislu.”

Dvije sedmice uoči sastanka ministara vanjskih poslova NATO-a, koji će biti održan u Briselu, 9 i 10 decembra Visoki predstavnik je danas izrazio zabrinutost da bi nedostatak suradnje RS-a mogao još jednom usporiti napredak BiH na putu ka NATO-u i Evropskoj uniji. Visoki predstavnik danas je rekao “takav nedostatak saradnje, sada je najveća prijetnja interesima svih građana BiH. Ove instiucije RS-a ne mogu nastaviti blokirati put ka Evropskoj Uniji i NATO-u. Visoki predstavnik je naglasio “ovo je negativna osuda struktura RS-a, koje uprkos međunarodnim i domaćim pravnim obavezama, nastavljaju sa kršenjem osnova Dejtonskog sporazuma.

“Tokom mojih sastanaka u Sjedinjenim Američkim Državama, sa ministrom odbrane Donaldom Rumsfeldom, s ambasadorom za pitanja ratnih zločina Pierre Prosperom, s Generalnim sekretarom Ujedinjenih naroda Kofi Annanom, a zatim i na sastancima održanim u Briselu s Visokim predstavnikom Evropske Unije (EU) za zajedničku vanjsku i sigurnosnu politiku Javier

Solanom, s novim šefom Evropske komisije Jose Manuel Barrosum, te sa povjerenikom EU-a za proširenje, Olli Rehnem, jasno je naznačeno da se propust Republike Srpske da uhapsi ijednog haškog optuženika doživljava kao uvreda vrijednosti institucija kojima se RS želi pridružiti", rekao je Visoki predstavnik.

Sistematski propust vlasti RS-a, a osobito Ministarstava odbrane i unutrašnjih poslova, da surađuju s Međunarodnim krivičnim tribunalom za ratne zločine na području bivše Jugoslavije sada predstavlja najveću prepreku težnjama BiH za ulazak u NATO i EU. Ove vlasti jasno propuštaju dostaviti Haškom tribunalu informacije koje su mu potrebne kako bi se ušlo u trag optuženicima, a također su propustile i da poduzmu ijednu značajnu akciju kako bi same uhapsile optuženike.